


成案所見集 三集

十四之七



				漢書門
九	二	四	八	九
冊	架	函	號	類
四	八	二	四	九

庫文閣內	
內閣文庫	
番號	漢 9249
冊數	48 (47)
函號	296 104



A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak



循役起贓逼斃六命奉 旨改為立決知縣革職不足蔽辜著革職拿問

直督劉 奏據兩司審詳青縣快役趙國棟等赴高主陳三家起贓無獲逞兇摔毀什物用言恐嚇致陳三之妻劉氏等畏累帶同子女一并投井淹斃六命一案現經臣提犯驗訊按律從重定擬另摺具奏所有青縣知縣吳巘失察衙役逼斃六命之處因協緝鄰封滄州事主殷玉田被劫銀九百餘兩一案拿獲霍進福供出陳三訊據供認有盜犯小馮等七八人

至伊家磨棚內分贓給伊弟陳六飯銀二塊約重二兩餘錢將腰刀繩鞭等物留在伊家併算以贓衣抵作飯錢屬實當卽差役將陳六拿獲併查起各贓均與所供相符因詰訊陳三旣容留分贓斷無僅分給銀二兩餘錢之理先據陳三供現分元寶一個藏於家內該縣吳嚙卽札委興濟鎮巡檢張觀光等飛往查起旋又詰據陳三供稱元寶埋於東屋櫃下該縣復差快役趙危等往搜其時張觀光等至陳三家內查無贓銀先已回署隨後差役趙危等踵至復在東屋櫃下搜尋仍無贓銀所帶之散役趙國棟因搜碗無獲天寒路遠向陳劉氏等索討茶飯未給卽摔碗砸鍋並以贓銀未起必至送官訊究之言恐嚇以致陳三之妻劉氏陳六之妻李氏等被吵不甘又恐到官受累氣忿輕生雖該縣吳嚙准關協緝訪獲鄰境寓主差起贓銀原係急於辦公並非無故差擾然差役趙國棟等胆敢逞兇嚇逼致斃六命皆因該縣平日不能約束僉差又不詳慎所致咎實難辭雖幼子幼女係由於陳劉氏等帶領投井但淹斃共有六命

實非尋常失察釀命之案可比現據天津守李紹元
天津道玉成按察使託 布政使梁 關揭請參前
來相應專摺奏請

旨將青縣知縣吳嚙革職以重民命除委員前往摘印署
理查明該員任內經手倉庫錢糧有無未清另報外
謹繕摺具奏伏乞

皇上睿鑒乾隆五十二年五月十八日奉

上諭據劉峨奏青縣知縣吳嚙於衙役趙國棟逼斃六
命一案請將該縣吳嚙革職並將衙役趙國棟問擬
斬候請趕本年秋審辦理等語所辦過寬已於摺內
批示矣此案趙國棟赴窩主陳三家起賍無賍胆敢
逞兇摔毀什物用言恐嚇致陳三之妻劉氏陳六之
妻李氏畏累帶領子女一併墜井淹斃六命之多兇
暴已極該督僅將該犯擬以斬候殊屬輕縱至該縣
吳嚙因拿獲鄰境窩主差役起賍雖非無故差擾但
失察衙役逞兇逼斃多命實非尋常失察釀命可比
僅予革職亦不足蔽辜劉峨辦理此案失之過寬著
傳旨嚴行申飭所有趙國棟一犯着改爲立決其青

縣知縣著革職拿問至案內各犯著交刑部從重改擬發落以示懲創摺併發欽此

典史短價買物差役催交相爭典史杖責後氣忿自盡典史比照蠹役嚇詐致斃人命不計贓數擬絞監候差役杖流知縣公出亦降二級調用

吏部題議得山東巡撫長 奏稱招遠縣典史王鏊因短價勒買料豆並差役紀惠催交爭毆將保長盛入仕責交管押致盛入仕自縊身死等情當將該典史先行咨部斥革究審並飭司將案內人証檄提來省委員嚴審定擬去後茲據署濟南府知府張方理

會同登州府知府聞嘉言審訊明確由司擬議詳解
前來臣親加覆訊緣王鑿籍隸浙江捐納吏目分發
來東借補招遠縣典史該典史畜有騎馬一匹需用
料豆向係發價赴集平買乾隆五十一年該縣豆收
款薄城內附近無豆糶賣十二月初間該典史知原
產社一帶豆收頗豐酌發制錢四百文令衙役紀惠
轉交該社保長盛入仕買豆四斗盛入仕因公進城
紀惠即將錢交付買豆盛入仕承應收錢是月十一
日買豆四升交與紀惠收存紀惠今其買齊一總送
交以後盛入仕進城兩次並未買交二十二日盛入
仕進城與紀惠在街撞遇紀惠促其交豆盛入仕聲
言發價不敷無力賠墊將來只可照錢買豆陸續送
交紀惠責其前次不應允許出言詈罵盛入仕回詈
紀惠拉其見官盛入仕不肯同行適有紀惠同班皂
役李鳳孫榮起走至紀惠告知前情遂令帮拉李鳳
孫榮起將盛入仕拉走行至鼓樓北首盛入仕坐地
不走紀惠與孫榮起用力強拉李鳳站立盛入仕面
前喝令立起說話不必撒賴盛入仕用脚將李鳳踢

倒並將鞋隻掉落李鳳爬起拾取鞋隻毆傷盛入仕
左肋孫榮起將鞋拿獲會其穿好盛入仕混罵不休
李鳳拾取地上磚塊連毆其右臂膊三下盛入仕合
面撲地自行碰傷額顱左眉叢左腮腴並擦傷左右
膝紀惠等同將盛入仕拉進衙門紀惠以盛入仕催
豆不依爭扭並與李鳳等毆打及自行碰傷掖賴等
語向典史面稟該典史卽令盛入仕至二堂回話盛
入仕用右手扳住屏門互相拉爭致將屏門上站板
匾額扳落該典史因其無狀卽飭皂役魏從征杖責

十五板押令將屏門修好釋放盛入仕悔恨交加乘
押役睡熟卽于是夜在班房投繯殞命時值該縣知
縣傅燾因公在省經萊陽縣知縣杜堦驗訊通詳咨
部斥革委員究審據該典史將發價買豆遲延未交
並紀惠等催交爭毆稟明該典史將盛入仕責處管
押以致盛入仕氣忿自盡各情由供認不諱嚴加究
詰委係一時貪小酌發價值令其承買繼因交豆遲
延與衙役爭毆喚令回話復撒賴無禮扳倒屏門將
其責處管押以致自盡實非挾仇故勘矢口不移似

無遁飾將典史王璠應請比照蠹役嚇詐致斃人命
不論贓數多寡擬絞監候例擬絞監候皂役紀惠李
鳳均應照詐贓斃命爲從例杖一百流三千里孫榮
起杖八十再枷號兩個月滿日折責三十板革役招
遠縣知縣傅熹于該典史派買料豆之時雖經赴省
公出但失于查報咨亦難辭將職名開參聽候部議
該管府道業經揭參應請免議所有承審定擬緣由
恭摺具奏奉

硃批行在大學士會同法司核擬速奏外查此除此典史

王璠等擬罪之處業經

行在大學士會同法司核擬具奏外查此案該典史王
璠短發價值派買料豆以致皂役紀惠等藉差滋事
釀成命案知縣傅熹雖據該撫聲稱於典史派買料
豆之時因公赴省但其平日失於查察應行議處應
將招遠縣知縣傅熹照失於覺察降二級調用例降
二級調用有加一級應銷去加一級抵降一級仍降
一級調用至該管道府於屬買短價派買不得於已
經斃命之後以揭報爲詞聲請邀免應令該撫查取

職名咨送臣部查議乾隆五十二年十月十一日奉旨依議其因失察典史派買料豆致釀人命議以降調之傅喜着該撫出具考語送部引見再降諭旨欽此

佐領解犯得兵丁錢聽兵落后致犯脫逃賊未

滿貫照滿貫擬絞請卽正法奉 旨改監候

大學士和 奏據吉林副都統索 參 奏佐領彰

保押解遣犯得受護送兵丁等錢文任意落後以致

王永泰中途脫逃請將該佐領革職嚴審定擬具

奏一摺奉

硃批行在軍機大臣會同法司核擬速奏欽此該臣等會

議得據吉林副都統索 奏稱昨將軍恒 到京

陛見起程時札付奴才伊行至白都納驛站地方查出遣

犯王永泰攜帶犯事原案印文脫逃一案伊隨飭署
白都納印務協領王什保將押解之佐領彰保并護
送兵役解送吉林逃犯派員嚴行緝拿務獲俟彰保
等到時嚴審務得確情從重定擬具 奏等因起程
去後奴才隨將逃逸王永泰飭令吉林所屬地方并
蒙古扎薩克該犯原籍一體查拿外茲于二月十一
日彰保等解到吉林隨行嚴訊彰保係白都納正白
旗蒙古旗下佐領奉派帶領兵役索莫爾煥等解送
發往黑龍江李齊發等九犯索莫爾煥等懇求彰保
情願給伊盤費以圖落後每名給彰保錢一千六百
文只剩兵役一名跟犯彰保又派伊跟役披甲一名
跟同七犯前行適李齊發腰痛與王永泰共乘馬車
彰保跟隨行走有二十里至蒙古屯地方烤火王永
泰與李齊發先走彰保落後騎馬追趕遇見李齊發
說王永泰走出屯外因車沉重李齊發下來王永泰
卽打馬緊急走遠將車棄擱攜帶隨行印文一角脫
逃彰保隨將各犯解到黑龍江將王永泰逃走情由
呈明奴才詳查彰保係管解官員得受護送兵役錢

文落後多名伊又中途落後任聽王永泰李齊發先行以致王永泰携帶隨行原案印文逃走實屬可惡難保無受賄故縱情弊請將彰保革職同護送兵役一體審明從重定擬另行具奏等語查律載官吏受賄枉法賍八十兩絞等語今佐領彰保奉派押解發遣重犯理應督率護解兵役不使一名遺落于中途小心跟隨乃聽派出護送兵丁十七名每人各給錢一千六百文縱令兵役落後又于途間並不跟隨同行任聽該犯前行以致王永泰乘間携帶原案印

文脫逃實屬藐法已極雖其所受賍錢未及滿數但似此貪污卑賤若不從嚴辦理不足以懲儆自應從重依全賍律擬絞請

旨卽行正法所得賍錢照追入官護解兵丁十名輒敢賄囑督解官員任意落後核其情罪雖與彰保有間亦屬藐法未便輕縱應交該將軍將該兵丁等嚴審另擬具奏逸犯王永泰仍令該將軍派委幹練員弁嚴緝務獲另行辦理所有臣等會同辦理緣由可否之處恭候

三 受賍

官吏受財

指示遵照辦理乾隆五十四年三月二十日奉

旨彰保著從寬改為應絞監候秋後處決餘依議欽此

守備受賄拔補兵丁并得錢包差擬絞請

旨正法

刑部奏據閩督伍 奏謹詔安營守備千總楊雲龍
受賄拔補兵丁并得錢包差復與監生沈狂聚飲宿
娼審擬治罪一摺奉

硃批該部核擬速奏欽此查律載枉法贓八十兩絞監候
又例載說事過錢計所與之贓與受財人同科各等
語此案除叅車遊擊吳秀已干取供後在監病故不
議外已革護守備事千總楊雲龍得受拔克兵丁番

所見集卷一四
銀一百十六元并得包差錢七千五百文共折實紋
銀八十兩五錢零楊雲龍合依枉法贓八十兩絞監
候律擬絞監候但閩省營伍廢弛現當清理積弊之
時該犯胆敢于拔補兵丁營私勒索復得受包差錢
文并與監生交結宿娼藐法已極未便稍稽顯戮應
如該督等所 奏楊雲龍應請

旨卽行正法以昭炯戒字識陳洪過付拔兵番銀一百一
十六元折實銀七十三兩日兵陳士明過付包差錢
七千五百文折實紋銀七兩五錢事關營弊該犯等
輒敢說合賄求情殊可惡未便僅照說事過錢計所
與之贓本例問擬杖徒致滋輕縱陳洪陳士明亦應
如該督所 奏均從重發往黑龍江給與兵丁爲奴
該督等 奏稱兵丁江日林傅生陳生郭士芳林振
先等十四犯聽從出錢卽屬行求兵丁陳明溪陳士
英許用武等五犯行賄免差均屬不法僅照本律計
贓問擬不足蔽辜江日升等十九犯均應于楊云龍
絞罪上減一等杖一百流三千里革監沈狂卽沈維
翰以本地衿棍交結營員聚飲宿娼實非安分之徒

不便客留內地應請發在新疆克當苦差娼妓曾阿
妹飭縣查拘照律究治楊云龍所得贓銀照追八官
遊擊吳秀係帶病進監身故訊明刑禁人等並無別
情應免置議等語均應如該督等所奏完結再該督
等奏稱吳秀係帶病進監監斃職名應予免開失察
土娼職名查明另叅等語恭候

命下之日臣部移咨吏兵二部照例分別查辦臣等謹會
同院寺合詞恭摺具 奏為此奏

聞伏乞

皇上聖明睿鑒謹奏奉

旨楊云龍着即處絞餘依議欽此

旨欽元請清州與蘇繪於瀋陽此
皇土巫恩與聖齋奏派

守備得受偷渡船隻番銀外擬絞決說事過錢
營書為奴奉 旨改為斬決絞決

乾隆五十四年八月初七日奉

旨奎林等奏擬署笨港守備李文彩得受偷越船隻番銀
一案將李文彩依枉法贓八十兩絞候例問擬絞決
其經手收贓之胥吏方升依說事過錢與正犯同罪
至死減一例問擬杖流發往伊犁給兵丁為奴等
因一摺所議失之輕縱臺灣甫經大加懲創痛革積
弊之時乃守備李文彩于偷越船隻到港復敢得贓

縱放實屬藐法已極而李文彩之得受錢文係方升說合是方升爲此案罪魁李文彩之死皆由該犯慝慝所致若因其駐未滿數僅發伊犁豈足蔽辜况此而不從重辦理將未該處官吏無所忌憚勢必日久因循又釀成柴大紀貪黷之案殊非整飭官方綏靖海疆之道李文彩竟應改爲斬決方升亦應改爲絞決以示懲儆所有奎林等定擬之摺着軍機大臣會同行在法司速議具奏欽此臣等會議得該守備李文彩于乾隆五十三年八月初一日到汛十一月內有蚶江船二隻掛號往鹿仔港貿易收入笨港有文汛口胥方升同兵丁劉世榮林耀春向每船各索番銀二十四員親交該守備李文彩並言如武汛不拿縣丞衙門離港口四五十里不能得知卽無妨碍等語李文彩應允收銀縱放又于本年二月內有同安縣船隻來港方升劉世榮林耀春王有生收取船戶番銀四十二元轉交李文彩收受又于四月十一二等日有內地船兩隻來港方升劉世榮林耀春又收取船戶番銀九十元轉交李文彩收受李文彩將銀

六元分給方升劉世榮林耀春各二元又澎湖入港
船四隻李文彩每隻收銀二元共銀八元連前李文
彩入已共銀一百八十二元口胥方升另向內地入
港船戶每船索取番銀十四元共船五隻計索取恐
銀七十元又得過李文彩謝禮銀二元內經縣丞管
口家丁胡貴查知方升爲武汛收取偷越船隻番銀
並又私得船戶規禮嚇以欲回本官方升分給胡貴
銀七元外方升共計入已番銀六十五元至兵丁劉
世榮林耀春二人各受李文彩分給番銀二元王有
生並無分給以上全案情節臣等逐一提訊各據供
明不諱臣等以該守備李文彩上年八月初一日到
汛至本年五月初一日飭調來郡所有偷越船隻不
僅此數其所得番銀亦恐不止此數應行嚴詰據供
在汛雖有九月實在內地止有五船來港澎湖止有
四船來港八已番銀實止有一百八十二元是實再
三嚴詰加以刑嚇堅供不移復提口胥方升及兵丁
劉世榮等究問與李文彩所供無異臣等隨提陸昌
曾嚴訊據供我于上年十一月內奉委署事二十二

日到任因衙相離海口有四五十里現又奉委在外
查封叛產未能到口實不曉得口胥方升替李文彩
收取偷越船隻番銀方升得受洋船規禮家丁胡貴
又分取方升番銀的事本年閏五月內接奉札飭我
卽親赴港口嚴查就弔方升胡貴責打究問方繼曉
得方升有代武汛索錢胡貴又有分錢之事我立時
將方升胡貴稟解總是我失察情弊是實復提口書
方升夾問據供我替李守備收取番銀原圖李守備
分給番銀與我又圖藉勢多訛船戶幾元八已本官

衙門離海口四五十里想來未必得知這是我作弊
焉敢告訴本官又夾訊家丁胡貴據供我查知方升
向船戶索錢我就要稟知主人方升隨拿七元銀錢
給我我就依了所以前日主人到口時不曾稟知查
問我原不肯說主人當將我責打我纏說了是實輾
轉窮詰矢供如一將李文彩依枉法贓八十兩律擬
絞從重立決方升依說事過錢與受財同科律照名
例減等擬流從重發伊犁爲奴胡貴劉世榮林耀春
擬徒王有生擬杖枷號等因具 奏前來查此案李

文彩身為守備專防海口重汛自當欽奉

諭旨嚴查偷渡痛革積弊之時乃于偷渡船隻到港胆敢聽從口胥方升說合得受賍銀縱放出口實屬藐法已極若該處官吏轉相效尤無所忌憚勢必日久又復因循釀成重案自應嚴行懲創以儆其餘該總兵等仍依尋常枉法賍八十兩例擬絞殊非整飭海疆之道李文彩應遵

旨卽改為斬決以為臺灣緣營將弁得賍誅法者戒方升係在官人役明知嚴拿偷渡乃敢于立法之初恣意李文彩得受賍銀縱放船隻實屬目無法紀為此案罪魁擬以發往伊犁為奴殊屬輕縱方升亦應遵

旨改為擬絞立決以示懲儆至該總兵等 奏稱家丁胡貴得受番銀七元折實紋銀四兩二錢二分該丁在口稽查船隻既知方升串同武汛得賍並不稟知本官究治輒敢分銀朦蔽僅依枉法賍擬杖不足蔽辜亦干方升遣罪上減一等杖一百徒三年兵丁劉世榮林耀春聽從李文彩串同口胥收銀轉繳縱放私船雖得受李文彩給銀止有二元未便計賍僅擬杖

責劉世榮林耀春亦應干方升遣罪上減一等杖一百徒三年均到配折責發落兵丁王有生雖未經李文彩分給銀錢但面同交贓應杖一百再加枷號兩個月滿日折責遞籍不許再行入伍仍干各犯名丁照追所得番銀入官等語均應如該總兵所 奏完結該總兵等又 奏稱該縣丞陸昌會責司稽查海口雖衙署離海口寫遠訊無知情分贓情事但干口胥串通武汛受贓縱放私船家丁從中分取贓銀該縣丞陸昌會平口毫無覺察實屬無能應請斥革此案李文彩得受贓銀已據水師副將孫全謀一有証聞先行稟報應請免議該管失察之右營遊擊職名開送督撫咨叅等語恭候

命下移咨吏兵二部照例辦理乾隆五十四年八月二十

五日奉

旨李文彩着卽處斬方升着卽處絞餘依議欽此

旨李文藻著唱謝溥式代著唱謝絲綸

正日奉

命丁蘇咨吏兵二部照例擬聖澤劉正十四年八月二十

開送晉謝咨絲綸恭抄

開大不稟詳懇請或藉請等夫察之古營裁舉類

案李文藻著受頭題日謝不稍區保終全指一亦道

絞犯減流雇人頂替到配知情書差一併擬絞
請卽正法縣發新疆効力贖罪

閩督李 奏切照同安縣流犯呂辰賄囑郭大頂替
到配一案前准廣西撫臣孫 來咨訊係在龍溪縣
馬口站地方給銀頂替經臣等將署龍溪縣知縣竈
淑昌參奏革職遵

旨解交刑部治罪嗣據同安縣知縣單瑞龍將呂辰拿獲
解勘究出係呂辰之母王氏賄囑郭大及書役人等
預為商定行至龍溪馬口站頂換前進等情復將同

安縣單瑞龍叅革並提集解役兵丁人等一并審明
從重定擬另行具奏旋奉

硃批是欽此茲據署藩司興泉永道萬 督同前任泉州

府知府王右弼署邵武府同知李浚源審擬解勘前
來臣等卽親提各犯復率同司道等逐加研鞫緣呂
辰籍隸同安乾隆四十七年間因聞毆致死柯亮審
擬絞候在監與提年許誠更夫郭大熟識後郭大懶
惰被逐五十二年八月呂辰部議減流知照發配廣
西其母王氏聞知到監探視呂辰憶及許誠郭大均
係相好起意用銀賄囑郭大頂替當囑其母向許

誠郭大商量王氏卽令呂辰之兄呂商找尋許誠郭
大到家商議經許誠說合議給郭大洋錢二百圓約
俟呂辰起解時代背包裹路上頂替赴配便可潛藏
郭大應允兩次給付郭大洋錢一百圓又給許誠洋
錢四十圓隨到監通知呂辰九月二十二日起解該
縣單瑞龍差郭誠許恩并移營撥兵未到該役郭誠
及伊母王氏並郭大三入近縣僻處等候呂辰隨向
郭誠許恩商懇頂替情事郭誠等不允卽欲稟官呂

辰哀求各送給洋錢二十圓旋即寢息營兵繼至即
 一同點解起身郭大代背包裹同行二十四日解交
 龍溪縣接遞郭誠取到回照銷差二十五日龍溪縣
 甯淑昌差役許榮林貴移營撥兵黃大興黃元護解
 兵丁黃大興因病未去出錢五十文幫貼黃元協同
 縣役解至馬口站莫速地方天色已晚投宿飯店呂
 辰備酒邀兵役同飲向求頂替許送縣役洋錢二十
 五圓營兵十五圓該兵役等依允呂辰將赭衣刑具
 脫給郭大穿帶在衣包內取出洋錢找清郭大一百
 圓分給許榮林貴各二十五圓兵丁黃元十五圓呂
 辰旋即乘間逃回二十六日早兵役即將郭大接解
 赴漳浦縣時值該縣在雲霄辦理兵差典史代僉縣
 役林庇胡玉並移營撥兵林太山徐直生護解時兵
 丁未到胡玉回家借取盤費該差林庇見郭大頭髮
 不長向其盤問郭太回稱秋審後剃過一次故不甚
 長該役聲言必得告訴頭役知道郭大惧被盤出實
 情當送洋錢二圓林庇亦即不問追兵役踵至轉解
 詔安沿途各縣均未查出嗣經廣西貴縣查驗箕斗

不符年貌不合究出頂替情弊經巡撫臣孫 將郭
大解閩並據同安縣單瑞龍即將呂辰拿獲到案提
集各犯嚴審各供前情不諱似無遁飾查例載以財
行求與受同科有枉者以枉法論枉法贓一兩至五
兩杖八十每五兩加一等無祿人至一百二十兩絞
監候又說事過錢之人與受財人同科又例載押解
人犯故縱者與囚同罪受財者計贓以枉法論從重
論又例載兵役押解軍流等犯託故潛回致有疎脫
者減囚罪二等問擬又書役犯贓加一等治罪等語

此案流犯呂辰用洋錢二百圓賄囑郭大中途頂替
脫逃計贓已在一百二十兩以上應與受財頂替之
郭大均請照無祿人枉法贓至一百二十兩絞監候
例應擬絞監候但查呂辰係聞毆殺人擬絞監候之
犯秋審三次緩決免死減流乃猶不知畏法不肯赴
配胆敢賄買頂替郭大曾克縣監吏夫得賄頂受到
配實屬不法均應請

旨卽行正法以昭炯戒同安縣提平書辦許誠敏代呂辰
預謀頂替說事過錢應與受財人同稱解役竊誠許

恩既知呂辰有商謀頂替情事不卽稟官輒敢私受洋錢情同故縱龍溪縣解役許榮林貴兵丁黃元接遞免死人犯胆敢在途受賄故縱厥罪維均誣誠郭誠許恩許榮林貴黃元六犯均請照呂辰郭大瑰擬絞罪一律科斷應擬絞監候俱係在官人役胆敢得賍縱犯實屬目無法紀亦應請

旨卽行正法以示懲創兵丁黃大興雖訊無知請得賍情弊但接遞流犯托病不往應照押解流犯証故潛回致有疎縱減囚罪二等例杖九十徒二年半到甌拏責發落漳浦縣差役林庇訊無知情故縱情事但因盤詰私得郭大賍銀二圓卽不再問亦屬不合若計賍科罪一杖不足蔽辜應請加枷號兩個月滿日重責四十板革役同安縣禁卒康志雖無知情得賍但監禁重地任聽王氏到監與呂辰商量頂替殊屬不合請照不應重律杖八十折責三十板已于取供後管押病故應毋庸議仍于各該犯名下照追所得賍銀入官呂辰之母王氏已經身故呂辰之兄呂商亦未預謀應與訊無知情得賍之刑書更夫兵役人等

均毋庸置議僉差不慎之龍溪縣知縣審淑昌現已革職解部治罪其同安縣知縣單瑞龍于監獄書役平日既不能防範約束起解呂辰臨時又未稽察嚴審致書辦許誠更夫郭大預謀賄頂赴配解役郭誠許恩既知呂辰賄求頂替情弊又復藐視得贓代為容隱該縣身為縣令全無覺察雖該犯呂辰係該縣親往拿獲解究但其昏庸怠惰之罪實所難辭未便僅予革職致滋輕縱應將叅革同安縣知縣單瑞龍發往新疆効力贖罪其僉撥營兵之武弁并閩省經過地方官失察遞解人犯未能查出其斗年貌不符率行轉解暨失察之咎該上司職名另行查叅其自閩省至廣西沿途失察地方官行文各省查叅此案緣奉

諭旨速行定擬是以臣等由四百里驛恭摺具奏爲此奏聞伏乞

皇上聖明睿鑒

勅部議覆施行乾隆五十三年七月初一日奉

硃批軍機大臣會同行在法司核擬速奏欽此

外委以訪逸犯為名赴村搜查索詐外擬克發
奏 旨改為絞決

乾隆五十三年七月二十二日

上諭李侍堯奏雲霄營分防外委許奕炳因向兵丁等閒
談以張媽求案內逸犯現奉飭拿若藉查防為由或
可得錢添補衣帽鞍馬適兵丁張淋素知村民林潭
家道尚殷懇息前往查拿該外委即帶同林眾并兵
丁林楚前赴林潭家內喝查逸犯並進屋搜查輒指
稱鉄义係應禁軍器須連解究張淋遂從中說合林

譚許送洋錢四員許奕所嫌少卽令鎖拿林潭跑出
喊救富有村民林并等聞聲趨勸各自散回林潭被
詐不甘聲言要赴上司衙門控告許奕所心懷畏懼
遂以林潭私藏逸犯查拿拒捕等情捏稟經該管遊
擊查出該外委索詐擾累緣由通稟解審屬實將許
奕所照誣告人死罪未決律擬流再從重發往伊犁
給官兵爲奴等語李侍堯辦理此案失之寬縱漳州
府屬民情刁悍上年因匪徒械鬥聚眾滋事甫經大
加懲創之後百姓稍知斂跡畏法許奕所身當外委
乃輒敢以查訪逸犯爲名擅赴村民家內搜查索詐
錢文殊屬目無法紀設因而別滋事端成何事體李
侍堯僅將該犯撥發伊犁不足蔽辜自應卽行正法
絞罪立予纒首方足以懲營伍而靖地方着傳諭李
侍堯接奉此旨卽派員將該外委許奕所鄉赴犯事
地方傳集民人看視正法並諭以弁兵等藉端索詐
擾累閭閻今已奉旨將該弁正法若軍民人等不知
安分守法聚眾逞兇卽照此嚴辦如此詳細曉諭庶
弁兵百姓皆知有犯必懲羣懷畏懼不致滋生事端

其兵丁張淋林楚胆敢迎合汛官隨同索擾自應從
嚴定擬除將該二犯發往伊犁給官兵爲奴外林潭
因被許奕所帶兵赴伊家搜索後聲言鎖拿跑出喊
救該村民林井等趨勸散回弁兵等憑空詐索該村
民等如果心懷不服亦當就近赴府懸呈控告倘該府
縣有袒庇情事亦准其赴督撫衙門控告何得私相
趨勸安知非見許奕所等入屋搜人遂爾乘機搶犯
毆兵李侍堯並不將此種情節嚴切根究詳晰聲敘
亦屬疎漏李侍堯着傳諭由飭並着該督覆加提訊
如林井等止于勸解尚可免議若有拒捕奪犯情事
自當治以應得之罪卽或未經別有滋事情弊究非
安分亦當予以杖責俾知懲儆李侍堯摺并發欽此

知縣將珠當錢又用印票取看仍交回當舖照
官吏求索所部財物從重克發伊犁

刑部奏據福撫徐 奏叅革署侯官縣知縣陳蕙將
珠發交家人艾升稅書史超當錢使用復票差周茂
將珠取回欲售史超等見當戶有難色串人捏稟出
示當舖票要正字希圖需索審擬治罪一摺查律載
官吏求索借貸所部內財物計贓准不枉法論不枉
法贓通計折半科罪罪止杖一百流三千里又例載
詐為州縣文書誑騙財物者發近邊克軍各等語今

叅革知縣陳蕙將珠向所部內質當錢文旋因珠價盈餘欲圖售賣輒用印票取回又復輾轉取看雖仍將原珠還當但未付本利屢向取珠卽係挾制勒索自應計贓定擬此案當本計贓六百四十兩應照不枉法贓折半銀三百二十兩科罪陳蕙除失察家人書辦捏稟圖詐輕罪不議外應如該撫所奏合依官吏求索所部內財物准不枉法論罪止杖一百流三千里律從重發往伊犁克當苦差該撫奏稱稅書史超起意索詐詭名捏稟家人艾升通同舞弊狼狽爲奸雖訊無得贓入手厥罪維均若僅照詐爲文書詎騙例擬軍不足蔽辜史超艾升應從重發往烏魯木齊等處給種地兵丁爲奴照例刺字民莊周茂奉票取珠係由本官差遣當戶薛德豐王永興等將本覓利究無交結官長情事均免置議等語均應如所奏完結乾隆五十四年六月二十一日奉

旨依議

擅造民人戶管田冊科歛使費入已計贓以枉
法論從重發伊犁克當苦差

刑部奏據浙撫琅 奏已革東陽縣知縣謝昕擅造
戶管田冊藉端勒派錢文入已並生員胡含英抗糧
毀差捏情上控分別審擬治罪一摺查例載因公科
歛所屬財物入已者計贓以枉法論枉法贓各主者
通算全科四十兩杖一百徒三年五十五兩杖一百
流三千里各等語今叅革東陽縣知縣謝昕于民間
久定推收章程輒因士民呈請清釐擅造戶管田冊

所見身集卷之十四
藉端科歛計圖肥已及經藩司批駁之後猶敢設局
辦理公然收費實爲藐法可惡此案共收錢七十二
千文雖據開銷紙筆飯食工費錢二十八千文實止
入已錢四十四千但各業戶已繳之數係該員科歛
所致未便僅就其八已之數按擬杖徒致滋輕縱應
卽通算全科該叅令謝昕應如該撫所奏合依因公
科歛所屬財物入已計贓以枉法論枉法贓五十五
兩律杖一百流三千里從重發往伊犁克當苦差以
爲官員藉端科歛者戒該撫 奏稱庫書孔達三李

含一雖由本官使令承辦但因希圖開銷飯食費用
聽從收費已有入已錢二十八千應卽于謝昕道罪
上減一等杖一百徒三年該叅令管門長隨李文訊
無從中染指情事但其經手錢文不行稟阻亦有不
合應照不應重律杖八十庄書韋錫達趙勝和李勝
宇盧升初雖奉行轉發並未經手收費但每本收錢
四文入已均屬不合應各革役照不應重律杖八十
折責三十板生員胡含英積年抗糧不納因縣差向
催胆敢率弟逞兇將差役關閉院中綑縛柱上喝令

毆打已屬目無法紀又捏控戶書胡名先指串架誣
抗糧毆差等情屢噬卽其因盧永焰控告該縣擅造
戶管田冊一節該犯並未領買戶管出有費錢實因
拒捕毆差聞拿畏避隨同盧永焰上控以圖避罪在
貪官罔應嚴懲而此等抗糧毆差之才民亦不便輕
縱胡舍莫應請革去生員從重發往烏魯木齊等處
充當苦差以儆刁風胡錫九聽從拒捕毆差應卽于
胡舍英遣罪上減一等杖一百徒三年吳紹漢等恐
戶冊弊混呈請清釐原因地方公事起見迨後該叅
令謝昕藉端斂費並不知情訊無聽從主使及懲惡
之事應同被誣之戶書胡名先及奉差催糧之陳啟
均請免議同時具控之盧永焰所指係戶管旣已審
實應毋庸議出錢未到之各業戶等已據署金華府
知府就近訊明免其提質以省拖累謝昕所得入已
費錢同庫書孔達三等所得飯食等項庄書韋錫達
等所得買冊錢文照數追出入官克公胡合英名下
未完錢糧仍令勒追完納胡美三獲日另結弔到已
印未印各冊概行銷燬該縣田地向由庄書推收過

戶相安已久應免其更張致滋紛擾仍飭令嚴查庄
書等如有格外索費情事隨時懲治等語均應如該
撫所 奏完結其逸犯胡美玉應令該撫飭緝務獲
審擬另結再該撫 奏稱金華府知府張思振雖訊
無通同分肥有心徇縱情事但干屬員造冊清查地
畝事屬紛擾既經布政使顧 批駁之後又據縣詳
代稟而于該縣謝昕借端殮費之事又始終毫無覺
察實屬糊塗不職應請將解任金華府知府張思振
請

請

旨革職以示懲儆等語恭候

命下之日移咨吏部辦理爲此奏

聞請

旨乾隆五十三年十一月二十八日奉

旨依議

書辦藉查山滕稟詐贓首犯從重發遣爲奴從

犯克軍知縣革職

刑部奏據兩江總督書 等奏稱江西永豐縣書吏
羅運泰等藉查山界婪索錢文舉人鍾琴得賄私和
復聞拿呈首一案先經江督書 會摺叅 奏一面
飭委江西藩臬兩司提審旋准部咨奉

旨這所叅署永豐縣知縣縣丞黃珩着革職鍾琴亦著革
去舉人交該督等提同案內人証一併嚴審分則定
擬具奏等因欽此茲據江西按察使額 署布政使

戶身集卷之四
鹽法道陳 審擬招解前來臣書 因查辦恒寧捏
報銷鹽引數一案奉

旨來西卽就近會同臣何 提集犯証逐加親訊緣黃珩
係南城縣縣丞于乾隆五十三年二月內署永豐縣
事到任後清查舊案民間多有遠年無契墳山界址
不清互相爭奪許訟不已示諭各業戶將所管山場
呈報欲爲看明劃定界址造冊存案以杜訟端派令
書辦羅運太蕭祥瑞徐元寧經理其事詎羅運太起
意需索隨向黃珩朦稟以業戶呈報到縣勘丈尚需

時日應先給印票執據以免臨勘冒混黃珩因所稟
尚屬近理當卽允行嗣有業戶熊星聚等赴縣呈報
羅運太卽商同蕭祥瑞徐元寧藉發給印票並以將
來造冊爲詞向索紙筆之費熊星聚等各給錢二三
百文不等共計發過印票五百四十八張內三百八
十戶共得錢二百四十四千二百文其餘一百六十
八戶或因不肯出錢或允俟勘丈時補送尚未得錢
黃珩管門長隨楊明風聞羅運太等有需索錢文之
事亦欲分肥聲稱卽欲回官羅運太等畏懼送給錢

四十千文楊明分給管理僉押之長隨陶義錢八千
文餘俱入已遂爲隱瞞羅運太蕭祥瑞徐允寧各分
得錢六千八千內有熊星聚陳所雲范林選陳廷彩
胡子明宋繼志朱廷奏魏廷彩八人因聞別戶領票
亦有不出錢者向羅運太索還不遂曾向鍾琴告知
十月內鍾琴與監生聶緒職員丁廷尉各包攬花戶
糧米赴倉代完漕書劉廷楫不允因而懷恨並有職
員劉台泰運米赴倉完糧因色米不純被劉廷楫等
勒令風篩潔淨以致折耗亦懷忿鍾琴卽起意約

同上控遂以漕書勒折並砌入浮收錢糧及羅運太
等稽查山場勒索錢文各欸向熊星聚携取印票八
張爲憑並將蕭林蒼礮坊內賣米賬簿一本作爲折
漕憑據先赴吉安府控准提訊旋又赴藩司衙門具
控亦批府查究行提到縣羅運太等聞知因給票得
錢屬實情畏審央令素識之貢生黃宗器民人解文
炳向鍾琴懇求鍾琴以所控浮收錢糧本無確據復
欲乘機嚇詐卽向聶緒等告知欲索銀一百兩方肯
息事經黃宗器等說合議定送銀七五錢一百千文

當將元寶一錠元絲銀二十錠封存劉能裕店內言
明俟鍾琴具詞求息之後付給至五十四年正月初
二日鍾琴在府投遞息詞卽將封存銀兩收去嗣因
鍾琴復欲建造許真人廟宇與聶緒劉台泰丁廷尉
商議公同勸捐劉台泰已向王如松九戶勸捐錢十
二千文餘人正在勸捐卽經該署縣黃珩訪聞查拿
而鍾琴在府所遞息詞又經該府徐湘批飭不准行
文催提解審鍾琴自知私建廟宇有違定例而又得
受羅運太等銀兩艱以赴審隨將原銀携赴臣衙門
呈首委員訊明羅運太等勒索錢文屬實并審出鍾
琴所繳贓銀實係先吞後吐錄供稟報當經會摺恭
奏革審茲據江西臬司額 署藩司陳 追出給發印
票據報并搜出羅運太等所立收錢賬簿究明得贓
確數按擬招解前來臣等會同覆訊供與所審無異
臣查該叅令黃珩若毫無染指何肯聽從羅運太之
稟給與印票且羅運太婪索錢文至二百四十餘千
長隨楊明等亦俱知情分贓何至黃珩全無知覺恐
有授意勒索隨同分肥情事嚴加究詰加以刑嚇黃

珩堅不承認訊之羅運太僉稱各業戶呈報山場若不給予印票不能平空向其索錢是以捏出將來查勘時恐有冒混之語朦稟黃珩得以允准隨向業戶索得錢文被楊明風聞欲行回官故此送給錢四十千懇其隱瞞黃珩實無授意勒索通同分肥之事并稱黃珩現已奉革伊若曾經分贓該犯等正應供出以輕已罪何肯復為隱匿等語其鍾琴所告浮收漕米錢糧之處不特經承劉廷楫堅供不承卽鍾琴亦自認挾忿忘控失實不能指出確據再三研鞫矢口

不移似無遁飾將羅運太擬發伊犁等處給兵丁爲奴萬祥瑞等擬以軍徒杖責等因具題前來查律載因公科斂財物入己者計贓以枉法論枉法贓五十兩杖一百流三千里又恐嚇取人財物者計贓准竊盜論加一等竊盜贓七十兩杖八十徒二年又例載衙門蠹役恐嚇索詐貧民者計贓六兩至十兩杖一百徒三年十兩以上者發近邊克軍又長隨求索嚇詐得財舞弊者照蠹役詐贓例治罪各等語又本年七月內臣部遵

旨酌議嗣後情重軍流人犯核其情節實係應行從重外
遣者俱毋庸改發新疆卽分發吉林黑龍江均勻派
撥所屬各地方分別爲奴當差等因 奏准通行在
案此案羅運太因該參員黃璠欲清查山界輒敢起
意朦稟商同詐贓蕭祥瑞徐允寧隨同訛索擾累貧
民各分得錢六十八千文均屬不法若僅照依因公
科斂計贓罪止杖流不足示懲羅運太應如該督等
所 奏從重發往伊犁等處給兵丁爲奴其聽從索
詐之蕭祥瑞徐允寧二犯亦應如該督等所 奏從

重照蠹役詐贓十兩以上例發近邊克軍至配所各
折責四十板照例刺字該督等 奏稱長隨陶義分
得錢八千文應照蠹役詐贓六兩至十兩例杖一百
徒三年照例刺字鍾琴除誣告浮收漕米錢糧業已
一事得實並私建廟宇未成輕罪不議外其索詐羅
運太等銀七十餘兩業已入已後因斂錢建廟被縣
查拿始行抱贓出首希圖挾制情殊狡詐鍾琴應照
恐嚇取財准竊盜贓七十兩杖八十徒二年加一等
杖九十徒二年半聶緒劉台泰丁廷尉雖尚未分得

賍銀但先因挾念商同控告後于鍾琴得賄議和亦
向該犯等告知均應以爲從論減鍾琴罪一等各杖
八十徒二年該犯等所捐職銜監生現在追照咨部
斥革叅令黃珩訊無知情染指情事其失察書役家
人婪賍業已革職應毋庸議長隨楊明得錢三十二
千文例應擬軍業經病故查明屬實亦毋庸議貢生
黃宗器民人解文爝聽從羅運太等囑托向鍾琴說
和并劉能裕受寄賍銀均照不應重律杖八十黃宗
器係貢生照例納贖免其斥革劉能裕解文爝各折
責三十板漕書劉廷楫訊無浮收情弊請免置議羅
運太等所得各業戶錢文照數追出與鍾琴呈首賍
銀一并入官無干人等先行省釋等語均應如該督
所奏完結爲此恭摺具 奏伏祈

聖鑒乾隆五十四年十一月初四日奏

旨依議欽此

革役私雕假印訛詐鄉愚請

旨即行正法

大學士和 等奏據臺灣鎮總兵奎 奏拿獲臺灣
府革役林益全夥同黃宗假造該府印票嚇詐平民
審擬治罪一摺奉

硃批軍機大臣議奏欽此該臣等查林益全克當府役乾
隆五十二年四月分革卯本年八月間該犯貧無聊
賴因曾學雕刻起意私雕假印偽造差票赴鄉嚇詐
九月初間適值臺灣府嚴查嘉義縣奸民李効倡立

一偽造印信時憲

遊會名目糾人入夥一案林益全憶及該庄張阿義
呂阿趨呂番高深劉阿辛陳勇等家道殷實可以指
爲李効案內夥犯索詐銀錢使用隨與素識之黃宗
相商囑令繕寫該府牌票約俟詐得銀錢分給使用
黃宗應允卽繕假票一張交與林益全收執于該府
告示上挖去印信描下模樣自行刻成假印鈐蓋偽
票林益全改名林益復雇檢柴之翁元告知假票索
詐情事令其跟同前往九月二十三兩日至庄尋
見張阿義等將票給看混稱張阿義等俱係李効案
內供夥差伊拿究嚇詐張文義番銀三十七元呂阿
趨番銀三十一元呂番番銀三十五元高深番銀二
十五元劉阿辛番銀二十八元陳勇番銀三十四元
共詐得番銀一百九十七元當經該府訪聞會營督
飭拿獲嚴審供認不諱臣等查閱偽刻印文雖有大
概規模并令該犯當堂面試雕刻無異復提林益全
再三嚴詰從前有無曾刻別項印信詐騙銀錢此次
雕刻有無再詐別人據供從前委無雕刻印信詐過
銀錢的事此次所詐止有張阿義們六人他們都是

鄉愚見了印票卽認爲真其實未再詐他人銀錢加以刑嚇堅供不移又提黃宗詰問據供實止繕寫牌票並無同往索詐又提翁元詰訊堅供受雇同往並無分贓加以刑夾矢口無異將林益全依律擬斬監候從重立決黃宗等擬以杖流等因具 奏前來查律載偽造印信誑騙財物爲數多者照律擬斬監候爲從杖一百流三千里等語此案林益全會克府役胆敢起意雕刻假印執票妄拿嚇詐多贓實屬目無法紀應如該鎮道等所 奏林益全合依偽造印信

誑騙財物爲數多者斬監候律應擬斬候該犯本係革役輒敢冒差假票威嚇平民較之尋常索詐者情節尤爲可惡應從重改爲立決以昭炯戒該鎮道等奏稱黃宗知情繕票聽從分贓翁元受雇知情同往卽屬爲從黃宗翁元均應依爲從律杖一百流三千里地保羅修武失于查察應照不應重律杖八十折責三十板林益全所詐番銀業經花用該犯並無親屬無從着追等語均應如所奏完結查黃宗等雖事犯在 本年正月初一日

刑部彙編卷一百一十五

三偽造印信時憲

恩詔以前但係假印嚇詐情節較重均不准援減羅修武杖罪准其寬免再該鎮道等 奏稱該犯在鄉索詐卽經該府督縣會營拿獲所有文武失察職名應請免開等語應如所請免其開叅爲此 奏

聞伏乞

皇上聖鑒乾隆五十五年二月二十五日奉

旨林益全著卽處斬餘依議欽此

劣幕主使作弊本官獲罪定案時卽與同罪

乾隆五十五年三月二十一日奉

上諭奎林等審擬李同致死陳浩賄買冒名頂兇一案已交軍機大臣會同行在法司速議具奏矣此案李同斃命買兇各情節業經該縣唐時勳審訊未定因審限已迫與幕友潘鴻緒商辦通報潘鴻緒起意改作尋常鬧毆從輕完結圖避處分該縣家人知此案改輕乘機詐騙兇犯李同番銀五百元是唐時勳之擅改重案情節幾至正兇漏網翁元之詐騙銀兩身罹

重辟皆由潘鴻緒改案所致今唐時勲已在臺灣枷號滿日發往新疆克當苦差而潘鴻緒係此案罪魁較唐時勲情節更重免其正法已屬從輕若照奎林所擬轉得以遞回原籍不足蔽辜且幕賓等平日高其身價既得修脯庸劣宦員聽其愚弄陷于罪戾伊等轉置身事外實屬可惡潘鴻緒着照唐時勲之例一并發往新疆克當苦差以為劣幕舞文者戒嗣後各省劣幕尚有似此主使作弊本官獲罪定案時卽著與本官同罪不得稍從寬減著為令欽此

輪姦已成從犯秋審已過入于下年情實

刑部奏據四川總督李 疏稱緣鄭月鼎與嚴文泰雷同珍雷家童卽雷奇璠均相熟識乾隆五十三年六月二十四日挨晚鄭月鼎至田看禾先後與嚴文泰雷同珍雷家童會遇鄭月鼎道及張佛英少艾其父張固用現已計賑外出起意糾約嚴文泰等同往強姦均各允從是夜三更鄭月鼎攜帶小刀餘俱徒手齊抵張固用屋旁鄭月鼎將竹籬拆開一缺與嚴文泰等進院鄭月鼎探知張佛英之母張黃氏與張

佛英對房住宿時俱睡熟復用刀將張佛英壁笆割開進入房內因燈尚未息張佛英醒轉瞥見喊叫鄭月鼎卽用刀架在張佛英頭上嚇禁聲張月英畏懼不敢聲喊亦不敢展動雷家童隨將張佛英褲子扯下鄭月鼎上床先姦後雷家童雷固珍嚴文泰先後姦畢開門而逸張佛英認明最後輪姦之人係嚴文泰隨報州會營勘驗獲犯訊詳鄭月鼎旋卽在監染病身死復經驗詳屢審供認前情不諱恐另有同夥輪姦之人究詰再三矢口不移似無遁飾除鄭月

鼎病故不議外將嚴文泰等擬絞監候等因具 題前來查例載輪姦之案審實俱照光棍例分別首從定擬又光棍爲首者斬立決爲從者絞監候等語此案鄭月鼎因見十五歲幼女張佛英之父張固用外出輒敢起意糾同嚴文泰等夤夜前往持刀入室嚇禁聲張輪姦張佛英已成均屬淫惡不法除輪姦爲首罪應斬決之鄭月鼎已據該督聲明在監病故不議外嚴文泰雷固珍雷家童卽雷奇璠應如該督所題照光棍爲從例擬絞監候秋後處決該犯等聽糾

多人持刀嚇禁輪姦已成情節較重現在該省秋審已過應行文該督將該犯等入于次年秋審情實辦理該督既稱張佛英係被強姦照律勿論鄭月鼎在監病故禁卒人等究無凌虐情事應毋庸議無干省釋等語應如該督所題完結再該督疏稱所有監斃應擬斬決犯人一名管獄官職名係崇慶州吏目崧兆熊相應開送等語應俟

命下之日移咨吏部照例辦理乾隆五十三年十二月初二日奉

旨依議

夾片抄入例冊

二人輪姦一女因姦婦捏病隱忍外將首犯為
奴從犯發遣部駁首犯斬決從犯絞候

刑部題會看得趙二虎等輪姦狄元魁之女狄有姐
一案先據直督劉 疏稱乾隆五十二年五月二十
八日狄元魁赴地工作遺女有姐在家獨處趙二虎
赴周黑虎舖內道及狄有姐少艾并知狄元魁外出
起意邀往圖姦周黑虎應允一同走入狄有姐屋內
狄有姐詢問來由趙二虎告知圖姦狄有姐欲行喊
叫趙二虎即以取刀扎害之言向嚇狄有姐畏懼未

敢聲張周二虎隨將狄有姐仰面掄倒炕上趙二虎
卽拉下狄有姐中衣先行姦污完畢周黑虎亦乘勢
將其兩手按住行姦隨各逃逸狄有姐因被姦氣忿
在炕睡臥哭泣迨晚狄元魁回家見而查問狄有姐
顛惜顏面以患病之言回答後因陰戶受傷臥床經
旬嗣狄元魁患病狄有姐始行下炕心懷忿恨終未
稍釋狄元魁見伊女生氣向其查問狄有姐始告述
前情狄元魁于七月初三日稟報提犯研鞫據該犯
等將起意輪姦各情由供認不諱查趙二虎因狄有
姐在家獨處糾約周黑虎前往圖姦殊屬不法惟是
狄有姐年已十七當趙二虎等按倒行姦之後向伊
父捏飾臥病倘非狄元魁節次查問勢必始終隱忍
若將趙二虎等照輪姦例分別擬以斬候似屬情罪
不符將趙二虎照兇惡棍徒生事行兇無故擾害例
從重改發黑龍江等處給與披甲人爲奴周黑虎照
兇惡棍徒生事行兇無故擾害例發遣咨達經臣部
以此案情法旣未允協罪名輕重懸殊應令該撫詳
核案情例義妥擬具 題到日再議等因咨駁夫後

今據該督 疏稱奉准部駁親提研鞫覆查趙二虎等既將狄有姐更遞姦污不應稍爲原減所有原擬遣戍之處實屬錯悞查趙二虎起意爲首周黑虎聽從同行將趙二虎改爲擬斬立決周黑虎改爲擬絞監候等因具 題前來應如該督所 題趙二虎應改照輪姦之案審實照光棍例分別首從定擬光棍爲首斬例擬斬立決周黑虎應改照光棍爲從例擬絞監候秋後處決應將改擬錯悞之臬司富照例實降一級調用毋庸查級議抵再此案刑部主稿合併

聲明乾隆五十三年十二月初四日奉

旨趙二虎著卽處斬周黑虎依擬應絞著監候秋後處決富尼善着降三級從寬留任餘依議欽此

圖姦未成羞忿自盡不應引強姦未成字樣奉

旨改為調姦

乾隆五十六年十一月二十八日奉

旨刑部題覆直隸省新樂縣民人韓廷陰圖姦韓朝立之妻黃氏未成致氏羞忿自縊身死一案照該督所題將韓廷陰照強姦未成本婦羞忿自盡者絞例問擬絞候于罪名雖無所出入而所引強姦例條過重殊未允當韓廷陰明因韓朝立外出起意圖姦其妻假冒韓朝立聲音喚黃氏開門黃氏不應韓廷陰推門

月見集卷一
進屋被黃氏聽出韓廷陰聲音卽行喊罵該犯畏懼
逃逸核其情節韓廷陰祇係圖姦聞喊而逃並無威
逼脅制情事安得謂之強姦况向來調戲未成致本
婦羞忿自盡之案手足勾引方子勾決僅語言調戲
並不子勾此案韓廷陰不但無強暴逼勒之事亦非
手足勾引如刑部所題比照強姦則較手足勾引者
爲更重矣律例內雖未載有圖姦專條亦應引用調
戲之例方與案情允協所有本引用強姦未成字樣
着改爲調姦再行批發以昭平允欽此

雇工強姦雇主之母未成外擬爲奴部改斬決
併請爲例

刑部奏據山西巡撫明 咨稱太平縣祁閏月子強
姦雇主賈伯衡繼母賈梁氏未成一案緣祁閏月子
籍隸猗氏縣乾隆五十年三月受雇與生員賈伯衡
家服役五十二年二月十五日賈伯衡出外探親伊
家男女俱赴村中觀劇僅有賈伯衡繼母梁氏在家
獨處祁閏月子頓萌淫念在于廚房攜帶菜刀直入
梁氏房內卽拉其胳膊求姦梁氏喊詈祁閏月子持

刀恐嚇梁氏益加喊救鄰人張小管聞聲接應祁閏
月子畏懼隨棄刀逃逸未被姦污經賈伯衡投約報
縣訊詳審鞠據供前情不諱恐有強姦已成情事嚴
詰不移案無遁情查律載強姦未成者杖一百流三
千里又例載親屬犯姦至死者若強姦未成發近邊
克軍各等語並無雇工強姦雇主之母未成作何治
罪明文若依常人強姦未成律擬流同覺情重法輕
卽比照親屬強姦未成例擬軍亦覺情浮于法祁閏
月子請照情重軍流例改發黑龍江給披甲人爲奴

所有承審及審轉遲延各職名相應咨明等因前來
查律載奴及雇工人姦家長妻女和者姦夫姦婦各
斬決強姦者姦夫斬決各等語誠以理重名分法嚴
淫惡奴及雇工與家長妻女名分攸關一經和姦卽
各斬決若係強姦則淫惡尤甚自當盡法嚴懲不得
更減于和姦至親屬強姦未成之例原以常人罪止
擬流親屬應行加等是以特設科條以示區別然亦
係專指親屬相犯而言若奴及雇工有犯自不得互
爲牽引但奴及雇工有強姦家長妻女未成之案律

內既無作何治罪明文而總例內亦僅稱強者姦夫
斬決又未明載已成未成字樣臣部詳查數十年來
亦無辦過此等案件惟成案內有雍正九年閩浙總
督李衛題陳加正強姦雇主趙位中之女趙氏不從
用刀戳傷右臂成廢一案將陳加正依雇工毆家長
期親至折傷律擬絞具題經臣部以律內奴及雇工
姦家長妻女強者姦夫斬決之語原不分已成未成
而陳加正係趙位中家雇工強姦其女不從連戳多
傷致成廢疾淫惡已極正與斬決之律相符將陳加

正改爲擬斬立決題結在案今此案祁閨刀子受雇
與賈伯衡家傭工據供素有名分乃該犯乘伊家長
外出見梁氏獨處頓萌淫念輒携菜刀走至上房拉
住胎膊求姦梁氏喊詈該犯卽用刀恐嚇聲言再喊
便殺梁氏益加喊救鄰人在外接應始棄刀而逸核
其情節雖與陳加正強姦家長之女趙氏未成刀戳
致成廢疾者情稍有閒但該犯持刀恐嚇之時若非
鄰人救阻則梁氏非被殺傷卽被姦污是該犯逞兇
淫惡乃實屬法不可貸且梁氏係該犯雇主之母更

與陳加正強姦雇主之女者情節尤重準情定辟自應擬以斬決惟是例無未成斬決之條而遠年舊案又未通行以致外省無所依據今該撫將祁閏月子比照親屬強姦未成例加等擬遣臣等詳加酌核殊未允協祁閏月子應請改依雇工姦家長妻女強者姦夫斬決例擬斬立決是否有當伏乞

訓示如蒙

俞允臣部現在修纂律例即將奴僕雇工強姦家長之母及妻案件到官審有損傷膚體毀裂衣服及鄰証見聞確有實據者無論已未成姦概擬斬決之處增纂入例並通行各省一體遵照辦理庶引斷不致岐誤而淫惡亦足示懲矣乾隆五十三年三月二十八日奉

旨祁閏月子著卽處斬餘依議

賭博拒捕傷官首犯卽行正法從犯奉

旨絞決餘犯爲奴

臣福康安謹奏查臺灣地方民俗狡玩賭博成風一切作奸犯科皆從此起自逆匪滋事以來民人遷徙流離不遑寧處業經蹂躪之處亦俱保庄守城克當義民無暇賭博及至地方平定臣等恐其故智復萌屢經示禁嚴飭查拿遇有賭博隨時懲治已不敢公然聚賭到郡後復嚴督文武員弁日夜輪查經派委巡查之都司額爾亨額馬元勳訪聞水仙宮口民人

所見集卷十一
許班家內約同許高等夜間私賭該員等當卽改裝
往拿許班喊同孫嚴拒捕兇毆併用菜刀劃傷額爾
亨額手指旋被該員等拿獲解送臣等親提研究供
認不諱嚴訊並無積慣開場聚誘賭博情事但查許
班當此嚴禁之時尚敢私行聚賭公然拒捕情殊可
惡若非立寘重典不足以儆兇頑而懲惡習隨于審
明後將許班一犯綁赴市曹卽行正法其餘在場人
犯悉予枷號三個月示衆至孫嚴係帮同拒捕之犯
非僅在場賭博者可比現用重枷示衆期滿擬發新
疆給種地兵丁爲奴咨部辦理邇日各處民人聽聞
許班伏法咸知畏懼賭風頓爲斂戢地方極稱寧謐
理合附片奏

聞謹奏乾隆五十三年六月初三日奉

上諭據福康安等奏臺灣地方賭博成風屢經示禁查拿
近訪聞民人許班家內約同許高等夜間私賭經派
委巡查之都爾亨額等改裝往拿許班喊同孫嚴拒
毆並用菜刀劃傷額爾亨額手指當將許班一犯綁
赴市曹卽行正法孫嚴重枷示衆期滿發新疆給種

所見集卷十一
地兵丁爲奴其餘在場人犯枷號示衆等語臺灣地方民俗刁悍奸徒聚賭成風一切作奸犯科卽從此起自不可不嚴行查辦現在甫經蕩平逆匪之後將軍等帶領官兵尚在該處駐劄乃無籍棍徒公然聚賭經委員前往查拿胆敢袒捕傷官實屬藐法已極若非立寘重典何以儆兇須而懲惡習今福康安于審明後卽將許班一犯綁赴市曹卽行正法所辦甚爲得當至孫嚴係幫同拒捕非止在場賭博者可比僅擬發遣新疆不足示儆著福康安於接奉此旨後

將孫嚴一犯卽於該處絞決示衆其餘在場人犯審明後卽著發往新疆給種地兵丁爲奴俾積匪奸徒咸知儆畏賭風斂戢以期綏靖地方該處鎮道等時刻留心查拿如有似此等案律俱著照此一面辦理一面具奏毋得仍事因循致滋玩縱欽此

野火燒燬火藥看守兵丁枷號杖徒該管署遊

擊革職

四川總督孫 奏竊照乾隆五十四年十二月二十
六日據建昌鎮總兵穆 報稱本月十四日據護靖
遠營遊擊事守備田占魁稟稱靖遠營火藥局內實
貯火藥三千零三十四斤四兩三錢橫一千七百七
十三斤三兩五錢撥兵王壠鄭榮陳杰徐廷仲王邦
彥在局看管詎本月十二日巳刻本營城外山上野
火焚燒山草因值大風致火星吹入局房氣眼將庫

房收貯火藥礮斤立時轟燒兵丁王瓏鄭榮陳杰三人俱被壓受傷到等語隨率同遊擊李揚聲會同冕寧縣知縣湯兆祥親詣該處查得靖遠營在冕寧縣地方築土爲城約高八九尺其東北城牆界在山坡該營火藥局卽在城內坡上前有管守卡房係管局兵丁住宿屋後係收貯火藥礮斤軍房二間坐東向西在石山牆之上各留氣眼約寬一尺七八寸高一尺五六寸中用鉄楞架格均寬二三寸不等以洩潮氣後近城牆城外山頭聳立比藥局倍高北首向有人行小路上驗有燒燬草木庫房及火藥礮斤俱已轟燬無存上房均被震塌查驗兵丁王瓏鄭榮陳杰三人各有被壓傷痕事關軍火被轟相應揭叅審訊等語並據冕寧縣知縣湯兆祥稟同前由臣以火藥爲軍中要需防範宜嚴該守備田占魁如果認真督率兵丁慎重防管何致火星飛入氣眼悉被轟燒其中恐有盜賣虧缺起心滅跡或自行失火燒燬捏稱山火希圖掩飾情事且藥局墻垣何以必須氣眼高寬幾至二尺中用鉄楞架格又何必二三寸之寬

有無捏飾均應徹底嚴查隨一面飭提守備田占魁并管局兵丁王瓏等解省審辦一面委員確查省城左近藥局情形去後嗣據委員城守營叅將楊長棟稟稱查得川省土性潮濕藥局向留氣眼或在山牆或在牆根以洩潮氣其在牆根者孔眼較小在牆之下者高寬尺寸及中用鉄楞架格之處與靖遠營藥局大畧相同並據署臬司監茶道林雋率同成都府知府李憲宜等審明解勘前來臣隨親提人証逐一研鞫緣田占魁係靖遠營守備該營設有火藥局一

座在東北角土坡之上局房左右山牆均有氣眼以通潮濕局內貯有火藥三千零三十四斤四兩三錢礮一千七百七十三斤三兩五錢因川省土性潮濕難以窖藏火藥向裝木桶礮斤盛貯篋篋該守備撥兵王瓏鄭榮陳杰徐廷仲王邦彥在局看管乾隆五十四年十二月十一日早飯後因野火延燒山草時當冬底草木枯槁一時燃發適值北風火起火迺風行直對藥局北首山牆火星飛入氣眼礮篋觸發將庫房存貯火藥礮斤並時轟燒卡房亦以震壞倒塌

維時看守兵丁徐廷仲王邦彥二人回家吃飯王瓏
鄭榮陳杰三人在卡看守被壓壁底受傷經兵民人
等走攏拉出該守備田占魁督同弁兵將火撲滅稟
經建昌鎮總兵穆 會同文員逐一勘明揭報委無
盜賣虧缺及自行失火等項情事臣鞠訊之下反覆
究詰據該弁兵等堅供如一似無遁飾查律載于倉
庫內失火者杖八十徒二年又例載各省存貯火藥
局該管各官若不加意巡防以致被轟者將專管官
革職留任各等語今靖遠營藥局雖係風捲山燒火

星飛入並非主守之人失火但該兵徐廷仲王邦彥
奉派看守輒離役所而王瓏等三人亦復安坐卡內
山上火發之時不能早為防範撲滅實與自行失火
無異徐廷仲王邦彥王瓏鄭榮陳杰均應從重比照
于倉庫內失火者杖八十徒二年律應杖八十徒二
年仍先行重責枷號三個月滿日遞至配所折責克
徭雖事犯在乾隆五十五年正月初一日

恩詔以前但事關軍火應不准援減至護遊擊事守備田
占魁雖究無虧缺捏飾情弊但火藥是其專責乃漫

不經心致被轟燒非尋常疎忽可比若照本例議處
僅止革職留任無以示儆應請

旨將田占魁革職以為玩視藥局者戒所有燒燬火藥硝
磺及房屋墻垣等項並請照例將失察各上司分別
勒令賠修補額現在該營操演兵丁火藥在所必需
已于建昌鎮及本標三營撥給一千斤運往接濟俟
賠補足額即行撥還除將全案供招咨部查核另取
平時防範不嚴之該管各上司職名查議外理合會
同將軍臣鄂提臣成 合詞恭摺具

奏乾隆五十五年六月初一日奉

旨該部知道欽此



失火

失火

雜犯

